

## 123.

*Heinrich Schley auf Kunewalde verzichtet auf das Schutzrecht über den den Franziskanern zu Löbau gehörigen Wald bei Kunewalde und auf alle damit zusammenhängenden Befugnisse (vergl. No. 28).*

**Löbau, 1513 Apr. 13.**

*Hdschr.: Or. Perg. Stadtarchiv Löbau No. 90 mit ursprünglich 5 SS. an Pergamentstreifen, von denen das vierte (d) 5 abgegangen. a) Wappenbild vielleicht ein Pfeil mit nach schrägrechts gerichteter Spitze. Umschrift völlig verwischt. Ueber die Familie von Schley vergl. Knothe, Gesch. des oberlaus. Adels 479. b) Im Schild eine von links nach rechts gelegte große Wecke, das Wappenbild derer von Gusk. c) Großes S. der Stadt Löbau (Abbild. No. VIII) und als Rücksiegel das Stadtsiegel No. XI, vergl. Einleitung. e) Im Schild drei Sterne (2. 1), auf dem Helme drei hohe Pfauenfedern. Umschrift ganz verwischt.*

10

Ich Heinerich Schley zun Kunewalde gesessenn bekenne —, daß ich mich uff heuthe dato mith denn andechtigenn brüderenn zur Lobow deß ordens sancti Francisci deß waldes halbenn zun Kunewalde gelegenn mit aller seiner zugehorunge, der zun lehenn rührt<sup>a)</sup> vonn unßerm allergnedigistenn hernn dem konige vonn Behemenn, vor mich, meine erbenn unnd nachkommenn allenthalbenn sonlich, gütlich unnde früntlichenn 15 entscheidenn habe inn jegentwertickeit der erbarnn, gestrengenn unnd vehestenn, Hanns Gausigs zun der zzeit hoverichter zur Lobow, Nickell Cadenn unnd Ludewigk Rosenhaynn ꝛ., volgender weißs unnd also, daß ich Heinerich Schley, meyne erbenn unnd erbnehemenn unnd alle, dy inn zukünftigen zzeitenn mein guth zu Kunewalde werdenn inn besitz habenn, deß waldes der obgnantenn brüder gentzlichenn unnd gar vor mich, mein 20 erbenn unnd nachbesitzer meyner gütter vorzcien habe, vorzcey unnd begeben mich deß auch vor mich unnd meyne erbenn jegewertiglichen aller herlickeyt, es sey ann gericht, huttunge, holtz, holtzmargen, wasser, ann wegenn unnde stegenn, frey eins holtz unnd wider hirauß zu farenn, feldt, stogk unnd stein, grunth unnd bodenn ꝛ., wie daß namenn hath ader habenn mag, es sey ein dißem brieff gnantes ader nicht, nictes ausgenommen, 25 denn alleynn dy jagent nymandes zu vorgonnenn, dodurch mir mochte schadenn zugezcogenn werdenn ader meynen erbenn ꝛ. Also daß dy vorgnanten brüder des waldes mit aller zugehorunge, geregtickeit unnd herlickeit nu vorthynn zun ewigenn zzeitenn innhabenn, nützen, genissenn, besetzenn, entsetzenn unnd gebrauchenn, wendenn unnd kerenn sollenn unnd mogenn nach allem irem willenn unnd wolgevallenn, unnd wieß inn 30 eim bestenn belibet, vor mir, mein erbenn, auch nachbesitzer meyner gütter ungehindert ann alle geverde. Domith sollenn auch dy vorgnantenn brüder der erunge der halben laube saltz unnde sustenn ander beswerunge, so inn vormols derhalbenn uferlegt, gantz loß unnd ledig sein vor mich, mein erben unnd nachkommen nu unnd ewiglichenn ann alle geverde. Dorvor habenn mir egédachte brüder gegeben fonff marg, dye ich vonn 35 inn zur nüge entpfangenn unnd inn mein unnd meyner erben nutz unnd frumen gewant. Dorumb vorzcey ich mich vor mich unnd meynn erbenn unnd nachbesitzer meiner gütter deß vorgnanten waldes — unnd gebe inn auch die vor mich, mein erbenn unnd nachkommenn frey, eigen, loß unnd ledig. Auch sall sollicher reynn unnde grentz, szo itzunder